


皇朝實錄



三十
三冊

大清世祖体天隆運英睿欽文大德弘功至仁純孝
章皇帝寔錄卷之五十九

順治八年八月甲午朔

上自南苑還宮 贈殉難總督兩廣兵部尚書佟養
甲為太子少保巡按廣東御史劉顯名為太僕寺
少卿湖廣柳桂兵備道僉事李懋祖為光祿寺卿
各廕一子入監讀書

丁未 遣大學士雅秦祭

先師孔子 科爾沁國卓禮克圖親王竝王妃至
親王以下尚書以上及親王郡王妃等俱出朝陽

門迎之即宴于門外

戊申 祭

大社

大稷遺固山額真戶部尚書噶達洪行礼 禮部言
今年順天鄉試取滿洲舉人五十名蒙古舉人二
十名主考應用滿洲內院禮部官各一員烏真超
哈舉人五十名聽漢主考官閱卷又監生額敷既
加三十八名應增漢房考官二員至烏真超哈文
字本年鄉試明年會試第一場書義二篇經義一
篇如未通經者作書義三篇二場論一篇三場策

一道順治十一年鄉試十二年會試第一場書義
三篇經義二篇二場論一篇判五條三場策三道
順治十四年鄉試十五年會試第一場書義三篇
經義四篇二場論一篇表一篇判五條三場策五
道命如議行

巳酉

陞都察院右都御史管吏部左侍郎事兼內翰林
秘書院侍讀學士高爾儼為吏部尚書 授庶吉
士方懸成胡亶張表曹本榮王清張士甄為內翰
林秘書院編修范周左敬祖成亮安煥吳正治諸

豫為內翰林國史院編修徐致覺張道澁何采姜
元衡馬葉曾高光夔為內翰林弘文院編修徐必
遠許纘曾唐夢賚為內翰林秘書院檢討王紹廷
朱廷環于鵬舉為內翰林國史院檢討李儀古范
正咏莊朝生為內翰林弘文院檢討朱紱為浙江
道御史楊旬瑛為湖廣道御史焦毓瑞為廣東道
御史劉嗣美為山東道御史姜國南為河南道御
史贈戶部右侍郎馮杰為左侍郎廕一子入監
讀書 卹陝西殉難各官贈靖邊道叅政夏時芳
延安府知府宋從心俱為大僕寺卿神木道付使

夏廷印河西道付使王希順俱為光祿寺卿延綏
戶部郎中朱予昇為光祿寺少卿鄜州知州李芳
澂為山西布政使司叅議神木縣知縣徐之龍安
塞縣知縣黃瑤宣君縣知縣賈士璋宜川縣知縣
尤一德俱為山西按察司僉事各廕一子入監讀
書神木縣典史章德英為河南濟源縣主簿 贈
山西殉難署澤州潞安府推官司九韶為山西按
察司僉事廕一子入監讀書 原任曹州副將許
午光言開封水滸周王府內遺銀二三百萬不止
乞假臣三年之工搜盡天下遺銀以資兵餉

上曰帝王生財之道在於節用愛民掘地求金亘古
未有倘此說一行必致生事擾民深局未便許予
光假端求官兼看羊利殊為不合着交與該城御
史斥逐

辛亥

命內翰林弘文院侍讀學士鄂貌為禮部理事官
何密達內翰林國史院檢討李中白內翰林祕書
院檢討孫自式為順天鄉試主考官 刑科給事
中趙進美言浙江財賦重地今歲荒滂異常山東
洪水肆虐民不堪命查蠲恤旧例必經勘明災傷

久教部行之督抚按下至監司府州縣文移注來
動經月日請飭抚按照道里定限期早報蚤覈
違者參究勘通州縣暫停徵比以俟恩命其各省
備賑倉穀及養士學田所當速為賑濟他如通糶
平價勸施煮粥之類苟行之不力究無實濟請飭
撫按擇吳能方面官專理其事巡歷查訪不時舉
報以為有司考成則灾黎得以全生矣命所司察
議速行

壬子

宴喀尔喀部落土謝番行貢使八百八十四人於

禮部

甲寅

太宗文皇帝忌辰遣官祭

昭陵

乙卯

上御中和殿平西王吳三桂陛見賜宴 以加上

皇太后尊號覃恩晉衍聖公孔興燾少保兼太子太

保秘書院大學士洪承疇少師兼太子太師文弘

院大學士陳名夏宮保尚書党崇雅王鐸金之後

劉蘇祐俱晉少保兼太子太保宣支正一品俸尚

書高爾傑陳之遴張鳳翔侍郎兼右都御史孫承

澤李化熙房可壯劉昌俱加太子太保侍郎任濬

左付都御史趙繼鼎俱加右都御史通政使孟明

輔大理寺卿張鼎延太常寺卿段國璋俱加工部

左侍郎 起原任都察院僉都御史趙開心為左

都御史吏部右侍郎熊文舉為吏部左侍郎工部

右侍郎王永吉為戶部左侍郎兵部左侍郎李元

鼎為原官 調工部侍郎羅碩為吏部侍郎陞寬

羅科爾坤工部理事官李顯貴為工部侍郎 以

噶賴為大理寺卿胡式里為左理事官佟莊羊為

右理事官布喀為通政使司左理事官羅繪錦為
右理事官 增設刑部理事官十四員以拖岱右
蘇巴哈連法哈喀伊巴克爾石納海莫羅塞勒海
河烏爾精阿爾洪党凱喇虎寬羅麻塞為之
以正藍旗大理寺卿噶賴烏其超哈固山張朝璘
俱為本固山梅勒章京 內三院会同礼部議本
羊順天鄉試滿洲蒙古生員筆帖式應同一榜烏
其超哈生員筆帖式漢生員監生應同一榜明年
會試殿試俱照此例從之

丙辰

太祖武皇帝忌辰遣官祭

福陵

丁巳以

大婚禮祭告

天地

太廟遣固山貝子吳達海礼部尚書阿哈尼堪固山
額真藍拜行礼 遣湖廣道監察御史楊旬瑛巡
按廣東河南道監察御史姜爾南巡視茶馬 兵
部題叙恢復陝西臨洮涼州甘肅等處勦殺叛徇

有功官員付將馬寧加署都督同知外委付將趙
光瑞叅將韓自隆遊擊姚寵都司僉書李世耀劉
國玉守備狄應魁石進才等俱准宴授從之

戊午

冊立科爾沁國卓札克圖親王吳克善女為
皇后是日質明設

皇后儀仗于卓札克禮看親王邸設黃案一于院
中一于東側以受冊寶匣置中黃案

皇上鹵簿全設太和殿前設黃案一於殿中置冊寶
綵亭于太和門外階下內院禮部官俱朝服以次

捧冊寶由中道入置殿中黃案上

上朝服出御太和殿視冊寶畢授冊封使臣內院禮

部官皆跪受自殿中由中道捧出禮部官前尊至

太和門外置冊寶各一綵亭校尉舉綵亭在前寶

亭在後由協和門出詣

皇后却是日蚤先遣兩親王奏請

皇太后至位育宮

皇太后出乘輦設儀仗作樂至協和門

皇太后儀仗止

皇太后輦由中道入

上出宮步迎至太和門內

皇太后由太和殿入宮冊封使臣既至

皇后却卓礼克看親王等朝服出迎置冊寶絲亭

於門外

皇后同母福金及格、等朝服序立迎于院中內

院礼部官捧冊寶由中道入置東側黃案上內院

讀冊官于東側西向立讀冊寶文畢以冊寶授女

官二女官跪受献

皇后

跪受授侍立女官女官跪受置中黃案上

皇后興望

關行六拜九叩頭禮畢

皇后升輦女官捧冊寶匣前行列儀仗作樂至協

和門儀仗止

皇后輦並冊寶由中道入至太和殿階下

皇后降輦由中道步入宮和碩親王以下有頂帶

官員以上悉朝服集朝会所固倫公主和碩福金

以下一品命婦以上悉集宮內已刻礼部官奉請

上御中和殿

上出御殿多羅郡王以上於太和殿階上立多羅貝

勒階下立固山貝子以下有頂帶官員以上俱于
太和殿丹墀欄內排立

上率諸王朝

皇太后行三跪九叩頭禮畢

上復御中和殿諸王出立殿外階上

皇后率諸王福金朝

皇太后行六拜三叩頭禮畢還宮諸王福金入侍

皇太后

上出御太和殿賜諸王及察哈爾額駙阿布鼐親王

土謝圖親王卓禮克圖親王等並貝勒文武羣臣

宴畢

駕入

皇太后乘輦還宮

上送至太和門內乃還

皇后冊文曰朕惟乘乾御極首奠坤維弘業凝庶
必資內輔義取作嬪于京室禮宜正位于中宮咨
爾額爾德尼布木巴乃科爾沁國卓禮克圖親王
吳克善之女也毓秀懿門鍾靈王室言容純備行
符高史之規矩度幽閑動合安貞之德茲仰承
懿命命冊爾為皇后其益宗壺範肅正母儀奉色養

於

慈闈懋本支於奕世欽哉寶文曰皇后之寶

己未

諭禮部曰朕惟源深者流長本固者枝茂正人倫之始敦祭祥之自所闕詎不重欣朕渺茲冲幼托臣民之上得偕淑配以承

宗廟皆

聖母劬勞恩育之所致也考諸往古爰式舊章穆清陰受冊之儀嘉禮成而崇慈極天安行慶賀之典大廷集而奉徽名今恭上

聖母懿號曰

昭聖慈壽恭簡皇太后蓋因宜家之慶以祈聖善之

康亦禮部具擇吉其儀以聞

庚申

上御太和殿諸王貝勒文武羣臣上表行慶賀禮是日以冊立

皇后詔告天下詔曰朕惟聖化始于二南作配恊鳳鳴之盛天庥垂于萬世于滯廣麟趾之祥正位中宮勃室風教朕續承鴻緒祗荷丕基慎擇淑儀覃延後嗣迓者

昭聖慈壽皇太后特簡內德用式宮闈仰遵
睿慈謹昭告

地天

宗廟於順治八年八月十三日冊立科爾沁國卓禮
克晉親王吳克善之女為皇后貞順永昭奉尊奉
之令典敬恭匪懈應天地之陰施爰合德于陰陽
期錫于類仁孝昭告天下咸使聞知 定南王孔
有德疏報總兵線安國馬蛟麟克柳州梧州二府
并所屬十二州縣下兵部知

辛酉

諭戶部曰投充人役原令窮民藉以養生又恐多
投以至冒濫定有額數乃睿王所投人教已定又
指伊子多爾博名下多投充八百名且有借勢投
至帶投民地者殊屬非宜爾部即查多爾博投充
人役冊逐名開寫於回州縣與民一體當差其本
身地土仍着留給其有帶投百姓地土俱查歸各
原主為業

壬戌

兵部更定馬步兵經制言原定經制馬三步七令

查各地方有水有陸、有宜馬宜步之不同如直隸河南山東山西陝西皆平原大陸非騎兵不能馳騁以上五處應馬三步七無容再議外如江西湖廣福建廣東廣西四川或係濱江沿海或多崇山峻嶺以上六省應馬二步八如江南浙江二省半係水鄉設有水師多用大小戰艦馬一步九就馬一馬二之中又有用馬之處即二尤為見少者又有不用馬之處即一尤為見多者聽各該督撫酌量地方情形通融變益恭期遠符額數此可省購馬之費省措草料之費省官兵朋楮之費而馬

步皆濟實用矣從之 固山額真吏部尚書譚泰以罪誅先是

上諭譚泰曰尔在部中尚有思君愛國之意比現後來但知為己凡部中一切事務朦朧奏請朕間或察出諭以事當如此伊即厲声爭勝内任已意外則矯旨而行因佟圖賴為伊妹夫明知固山額真金礪駐防杭州假稱缺出遂越旗而用佟圖賴夫金礪与墨尔根蝦剗之源同時出防彼二人何嘗出缺豈非譚泰自行其意乎且譚泰所任者止吏部也乃六部之事無不把持凡此狂悖之行諸王

內外大臣不知朕意反以為譚泰奏朕惟譚泰之言是听遂惧其威勢群起而附和之朕慮比延日久則不連者多故急執譚太付廷臣訊今雖有譚太干連之人朕俱不罪其譚泰兄弟亦不必連坐諸王議政大臣可即遵旨勘問取譚泰口供以聞於是會訊譚泰俱服議未上會纛章京巴圖魯侯鰲拜許告譚泰稱譚泰與公主爭田苑事土賴令塞爾泰將告譚泰之狀自西安府帶來譚泰差官塞爾泰之牛柔章京希思漢在路將狀扯碎棄之教塞爾泰止言付與索尼曰此我等遂欲將譚泰

監禁將希思漢處死後譚泰為吏部尚書時曰希思漢為伊身死將已殺希思漢之賊令其兄黑石痕襲譚泰監禁時睿王遣人送野鷄野猪肉譚太向差人言王若救吾已死之身從監內救出吾當殺身以報睿王遂將譚泰從監內提出優養譚泰欲救歸睿王睿王不畱又有欲從豫王之意端重王証

上臨睿王第時譚泰未曾隨去次日睿王責倫等我譚泰在王側坐云我死亦在此門生亦在此門此語隨

駕大臣并蝦等皆知奕睿王時譚泰言睿王救吾出
監過為優券此恩惟有誓告天地高報王之予王
之臣

太宗亦曾將伊提拔恩養為何不報

太宗思譚泰素與何洛會無嫌為何取何洛會兄弟
家產又誣無辜之巴布海言彼將高爾格取去以
迎合睿王將巴布海殺之睿王將巴布海奴僕家
產都與譚泰後譚泰被監禁時土賴錫翰輩何盛
索尼鰲拜我等五人以巴布海無罪曾將巴布海
家產給與其兄巴布泰後譚泰擅自取回譚泰

又將高爾格土賴瑩室盡皆折毀沒往海子去啓
奏李率泰陳泰之罪諸王看譚去譚泰言為何排
擠我若有我還好竟不去諸王議政大臣皆知送
孝端文皇后往

昭陵去時譚泰未去

上與諸王在南苑馳馬時譚泰騎大群之馬馳走端
重王知之議政王大臣啓奏時奉旨將給碩對喀
木高原願籍沒之家產盡數取來給與索尼譚泰
隨差布蘭向索尼云雖知有旨汝不可要索尼不
從譚泰在衆人前怒言將碩對喀木高要券就券

要殺就殺如何將彼家產盡行取去令彼如何度
日貝子錫翰貝子鞏阿岱西布庫知之令譚泰對
質皆宴諸王大臣議得譚泰不但別罪即
上降旨亦屢當誅因此將譚泰及其子孫並論死籍
沒家產革希思僕兄之世職奏入命誅譚泰貸其
子孫籍沒家產革黑石痕職

癸亥

傳一寺公愛星阿所加三寺阿達哈：番俸

甲子 以上

昭聖慈壽恭簡皇后徽號祭告

天地

宗廟

社稷遣鎮國公固山額真刑部尚書韓岱禮部尚書
阿哈尼堪固山額真戶部尚書噶達洪固山額真
藍拜行礼是日上

皇太后奏書子皇帝臣福臨謹奏恭惟

聖母昭聖慈壽皇太后陛下篤天之祐如月之恒臣
仰荷恩劬為求淑配深承慈極莫罄報私恭率羣

工上加

顯號伏祈

聖母垂慈鑒允俾展微忱胥協四海之惟心永享萬
年之洪澤臣不勝憐之至謹奏 肅章京鰲拜
巴魯魯列款訐告肅章京宜爾德一
上避痘南苑時擅令內直員從更番一私減守門定
制擺牙喇一不悅鰲拜已哈為
上効力下刑部審寔論死籍沒
上貸其死削一世賤留任折贖

乙丑

上御太和殿奉冊寶率諸王貝勒文武羣臣詣
昭聖慈壽皇太后宮恭上

徽號行禮冊文曰予皇帝臣福祿謹稽首再拜上言
聖化啟自宮闈肇修嘉禮盛典隆于尊養加上
徽稱萬國翔歡群工胥慶恭惟
聖母昭聖慈壽皇太后翼襄

皇考篤育湫躬大婚之禮既彰慈訓之恩益懋謹告
天地

宗廟

社稷率諸王貝勒文武羣臣恭奉冊寶加上

尊號曰

昭聖慈壽恭簡皇太后伏願太平有象

聖壽無疆鴻曆綿延于萬年本支丕承于奕世臣誠
惟誠忝稽首頓首謹言寶文曰

昭聖慈壽恭簡皇太后寶 遣官祭都城隍之神
以都察院右都御史管左付都事趙繼禹仍以右
都御史管戶部右侍郎事督理京畿錢法工部右
侍郎加一級管通政使司通政使事孟明輔為刑
部右侍郎 遣官祭金帝陵

丙寅 以恭上

皇太后徽號禮成

上御太和殿諸王貝勒文武羣臣上表行慶賀禮是

日頒詔天下詔曰朕惟帝王孝治天下尊養陰倫
鴻章顯號因事有加乃人子之至情古今之通義
也朕丕承大命奄有萬方揆厥所由寔承

懿訓至于有成茲為朕慎擇淑配端範宮闈嘉禮之
始深惟

聖母洪慈靡極是以恭稽典禮合布惟心謹告

天地

宗廟

社稷於順治八年八月二十日率諸王貝勒文武羣
臣恭奉冊寶加上

聖母昭聖慈壽皇太后

尊號曰

昭聖慈壽恭簡皇太后久恊羣情覃敷澄澤所有恩宥事宜開列于後

一親王以下宗室三等愛惜喇：章京以上應加恩賜一外藩諸王各加恩賜一內外自公主以下至格：各加恩賜一滿洲及在內蒙古舊烏真超哈公爵以下拖沙喇哈番以上併襲職幼官隨朝以上者應各陞一級先經頒給誥命各官今遇恩詔陞授者于誥命內准撰世襲回替旧烏真超哈

阿達哈：番滿洲拜他喇布勒哈番今遇恩詔亦准撰給誥命茲詔以後已頒誥命者如再膺寔職不載入誥命之內另行撰給勅書一內外滿漢官員一品至九品已奉恩詔緣給誥勅外其未逢恩詔各官一體通行俱依見授職銜照例給与應得誥勅京官三品以上仍各廕一子入監讀書一在京六品官員以上不与加級者各加恩賜一官吏兵民人等有犯除謀反叛逆子孫謀殺祖父母父母內亂妻妾殺夫告夫奴婢殺家長殺一家非死罪三人採生折割及謀殺故殺正真人命蠱毒魔

魅毒藥殺人強盜妖言十惡等真正死罪不赦又
隱匿滿人照例治罪貪官赦前已發覺罪應至死
者不赦外其餘自順治八年八月二十日昧爽以
前已發覺未發覺已結正未結正咸赦除之有以
赦前事相告訐者而以其罪之之一凡貪官罪不
至死者免罪追贓革職永不叙用一見在議革議
降議罰及戴罪住俸各官俱免議一滿洲蒙古烏
真超哈隨征披甲兵丁出力戰功三十餘年常有
立功三四次曰少一二次不得論陞者今天下一
統不事征戰恐終其身不得陞叙該部於旗下察

明如有此類者准議陞授一自順治元年以來曾
經任用已革職官除大計貪贓若居官不職以致
失守城池外若有事係冤枉被革果有才力堪任
者在京聽該衙門在外聽該督撫按察明詳開緣
由保奏一滿洲兵丁各處征勦對陣傷損未痊給
賞者該部照例速行賞卹一在內滿洲蒙古烏真
超哈或有窮兵無力備馬者該部察明購給以濟
貧乏一天下驛地若累凡乘傳員役恣行騷擾者
前有諭旨着該督撫飛章奏未見遵行除已注
不究外以後各該督撫如仍前隱匿以悖旨論罪

一山陝海隅尚在梗化者果能革心誠投者悉赦前罪如以兵馬城池來歸仍察其功之大小給與分別陞賞一各土寇有脅從悔禍縛獻渠魁及賊首翻然向化率衆求抚者前罪均行赦免仍與論功一凡土賊投順該督撫即與安插遣之歸農其有一項豪強奸民甘冒賊名投順徑已抚真賊爭占產業多端誣害有司礙不敢問除從前濫為收用者免究外以後該督撫投順查糾察不得諉卸務期良民獲安一地方人才果有品行著聞及才學優長者着該督撫按察具奏仍聽吏部攷

覈酌用一順治五年以前民間拖欠錢糧悉與豁免一倉庫錢糧或回交盤短少見在追賠家產變不能賠補者察寔豁免一各處起運錢糧途次遇賊劫奪者察寔豁免一大小武官不許擅受民間及縱令兵丁強買市物該督撫按須行察參以甦小民一各省直先加城池錢糧准抵八年正額內在恩詔未到以前先徵八年在官者俱各照數退還仍取花戶領狀繳抚按考察其有已解各節寺者并發該司府給領不得重累小民一臨清燒造苦累小民并漕船帶運已行停止其造通坯

片已費工本并民舡長短載帶旣納價俱准一体
豁免一江西浙江福建江西山東等處題泐綾絹
紙張及三色榜紙龍瀝紙價姑念地方初定通免
三之一仍分三運起解一漕船缺額已准動輕
齊銀兩責令運官自催不得重泐地畝又拿民舡
以甦苦累一凡應追贓私察果家產盡絕力不能
完者概与豁免毋得株連親族一凡失落之物及
被盜贖物如本主認明原物給主免究收獲之罪
一京城內外有鰥寡孤獨貧苦無依者該部院着
京城五城御史兵馬司宛大二縣確察名數酌量

周卹其順天八府及各省府州縣衛所旧有養濟
院皆有額設米糧該部通行設立給養該道府官
從寔稽察俾需寔惠一國子監生免坐監二個
月已揆歷者免歷事二個月一各省直儒學貧生
該地方官覈寔申提學官於學田內動支銀米賑
給一在京各衙門官在任年久父母年老不得歸
省者許堂印官據寔具奏給假省親仍來供職一
滿洲蒙古烏真超哈舉人於順治九年會試原額
取六十名今加額二十五名於戲正家及國愛親
達民惟我

聖母保佑申重克臻顯懿凡為臣子宜敬承天庥祝
宣萬年以底于太平布告中外咸使聞知 遣山
東道監察御史劉嗣美巡按山西 江南蕪松巡
按秦世禎以江南賦重差煩徵解失宜民不堪命
條上興除八事一田地令業主自為丈量明註印
冊以清花詭一額定糧數俱填易知縣單設有增
減另給小單一紙則奸胥方無藉一由單詳開錢
糧總撤數目及花戶姓名先給後徵以便磨對一
准科不許差人設立滾單以次追比則法簡而事
易辦一收糧聽里戶自納簿櫃俱加司府封印以
防奸弊一解放先急後緩勒限掣銷完驗不得分
毫存留衙役之手一民差查田均派排門冊對庶
不至若樂不均一徇用銀兩每事節有額外不得
透支布政司將徵解原冊一季一吊年終報部扶
同容隱者容隱按律議處庶無那移侵欺下所司
議

戊辰

立和碩肅親王豪格碑文曰尔和碩肅親王豪格
乃

太祖武皇帝之孫

太宗文皇帝之長子當征討蒙古札魯忒東魁察哈
爾鄂尔多斯等國時所在敗敵收服其屢次進征
明國所在擊敗敵兵攻克城池甚多封爾為和碩
肅親王平定朝鮮國率左翼兵屢敗敵衆下其城
同睿王山海關破流賊二十萬克明中原順治三
年又統大兵往四川勦除逆敵師還之後值睿王
專政起釁遽加以罪拘禁抑勒致死朕知爾無罪
不勝悼念仍追封爾為和碩肅親王用建塚碑傳
之不朽
己巳

諭戶部曰朕憫念百姓疾苦有不利于民者皆罷
之如四川進貢扇柄湖廣進貢魚鮓水陸道路甚
遠夫馬船隻動支錢糧若累小民以後永免著為
令爾衙門即行刊示務使小民安息咸沾德意

庚午

御史楊旬瑛焦毓瑞姜嵩南出差引見
上賜茶諭之曰巡方為朕耳目之官必持身清正乃
能率屬爾等此行宜敬殫厥職以付朕意

辛未

吏部言一守精奇尼哈番向無兼帶拖沙喇哈番

今訊自精奇尼哈番至侯俱許帶拖沙喇哈番得
旨嗣後或陞或降照此定例

壬申

宴喀尔喀部落土謝罔汗車臣汗貢使三百九人
於礼部 以勦川叛功加原任陝西關南道付使
朱受祐為布政使司叅政 奪胡薩里所襲伊兄
胡敏拜他喇布勒哈番又一拖沙喇哈番以胡敏
昕莽兄子岳甘襲之 初格巴庫襲其父三奇阿
思哈：朕歷陞三奇精奇尼哈番至是命久襲之
以其弟朱孔額為三奇阿思哈：番格巴庫為三

奇阿達哈：番

癸酉

諭戶部曰睿王指稱伊子多爾博名下多投充人
役前已傳諭尔部俱查還各州今又聞得指稱莊
內人數不足多投充人六百八十三名即庄內人
數不足止可收赤貧無靠者用以力農仍所收
皆帶有房地富戶之家殊不合宜尔部查照原冊
逐名開卷還各州縣照名納糧當差內或有帶投
他人房地者俱爇責各地方官確查明白歸還各
原主為業 浙江巡撫蕭起元奏固山額真金礪

等同督臣陳錦提督田雄等率領漢戰艦乘潮出
閩擒獲為湖侯既進于橫洋獲偽勅偽印真抵舟
山流入下所司知之

甲戌

巡按山西御史劉嗣美引見

上御太和殿召嗣美入殿

上回諭之曰朕以爾為耳目之官簡任巡方爾其仰
體朕意察吏安民清公自矢則有司皆以爾為師
而循良見矣于是茶賜而遣之 是日
上親宴卓札克圖親王吳克善等于南臺

卷之五十九終

大清世祖體天隆運英睿欽文大德弘功至仁純孝
章皇帝寔錄卷之六十

順治八年九月乙亥朔

丙子

諭吏部曰前詔內優陞之語乃謂加陞一級外再
加一級此即優陞也譚泰厚其所親薄其所惡優
陞之官竟有加至三四半個前程者着分別此等
比次恩詔勿與加級 改昌平州守備一員調昌平州
庸閔泰將為都司裁昌平州守備一員調昌平州
兵四百名于涿州

戊寅

上御中和殿賜阿霸孩部落都思噶尔教漢部落齊
隆巴圖魯等宴 賜內大臣伯索尼牝馬一百九
匹貝勒拜音高喀尔楚渾貝子錫翰翠阿岱公韓
岱各五十匹其文武各俱酌賜有差 補外轉御
史曹叶卜為陝西按察司僉事寧夏道王顯為湖
廣按察司僉事下江道陞福建布政使司叅政管
按察使事鄭廷樾為江南布政使司右布政使福
寧道叅政李長春為江西按察使司按察使山東
東兗道叅政謝道為江南按察司按察使浙江驛

傳道叅議南洙源為浙江按察司付使溫處道陝
西閩內道叅議秦嘉兆為福建按察司付使驛傳
道湖廣下湖南道叅議楊璫為山東按察司付使
登萊道山東濟南道叅議張尚為山西按察司付
使井陘道陝西莊浪道叅議馮士標為四川按察
司付使建昌道福建南道僉事曾延孔為山西
布政使司叅議河東道山東濟道僉事李吉士為
河南布政使司叅議督糧道浙江嚴州府知府錢
廣居為陝西按察司付使閩南道江南寧國府知
府管起鳳為河南按察司付使汝南道滁州知州

李嘉猷為江西按察司僉事湖東道六安州知州
丘承緒為湖廣按察司僉事荆西道陝西漢中府
同知薛良用為四川按察司僉事上川南道湖廣
漢陽府知府傅應星為山東都轉運鹽使司運使
山西平陽府知府徐來麟為長蘆都轉運鹽使司
運使補原任山東、昌道周日宣為山西為山西
按察司付使易州道江南水利道付使王吉為山
西按察司副使奇嵐道 復大學士范文程為二
等精奇尼哈番 山東濟南兗州東昌青州府屬
州縣及左衛齊河元水

己卯 頒慶賀

皇太后

皇上表文

皇后箋文式樣于各藩王及督撫并提鎮等衙門
刑部奏言吏部蒙古理事官濟蘭兔先為盜殺
人劫財後自投首應免死草賊解牛豕及部任鞭
一百籍沒家產奏入從之 以加上

昭聖慈壽皇太后徽號禮成遣學士葉成格等頒詔
朝鮮賜其國王蟒緞幣帛五十疋

庚辰

禮部擬定儀注王以下各官以上陞級授官謝恩
王貝勒貝子公大臣寺出師凱旋受賞謝恩王以
下文武各官以上遇慶賀頒賞慶賀外藩王以下
公以上及喀爾喀貢賜朝見俱設鹵簿奏樂鳴鐘
鼓

上御太和殿鳴贊官贊唱行禮王以下各官以上娶
妻娶子婦謝恩或于中和殿或于位育宮俱朝服
行禮不唱贊其不時賞賚謝恩便服行禮亦不唱
贊

上親征行獵外藩王以下公以上于行在朝見賜宴

各官侍班鳴贊唱贊行禮如不賜宴不侍班行禮
亦不唱贊從之 草福建、南道僉曾延孔以巡
按王應元初其貪婪狼籍故也 以故三寺阿達

哈、番胡敏子拉古拜他喇布勒哈番又一拖沙
喇哈番額布痕叔科虎見托克托會伯子鄂博對
溫都拉虎兄莽萬思格參子扎木素覓羅布爾三
孫吳齊倫杭書弟喀爾馬察拜他喇布勒哈番喇
拉兄擺思哈喇陣歿三寺阿達哈、番張亮子固
太拜他喇布勒哈番又一拖沙喇哈番達賚子扎
木素拜他喇布勒哈番額布根子奇塔忒列應奉

弟應德鈕成憲子維邦王國臣弟國用施沙刺哈
番西尔特子莫洛巴牙尔罔弟沙礼塞冷弟礼木
獲張登雲子鳳翔各襲職

壬午

賜琉球國王勅諭曰爾國承命向化奉表投誠朕
甚嘉焉奏內有云獻琛稱寃于來襁以故館留周
國盛等三人在京隨于七年五月遣梁廷漢等十
九人回諭爾國迄今故明敕印文線并去使無有
消息意者海道迂遠風波阻險有別故未達爾國
即來使留京日久朕甚憫念今賞賜表裏銀兩遣

歸沿途給與腳力口糧添人駕船同通官謝必正
回報爾國所爾國便宜復命用示朕懷柔至意故
諭賜平西王吳三桂金冊金印冊曰朕聞一有
代應運之君必有一代翊運之臣結以腹心共襄
大業是以尊賢用能崇功尚德乃國家之大典乘
机遣會達變通叔乃明哲之芳踪朕登大宝特做
古制視諸臣功德差等授以冊印俾榮及前人福
流後嗣咨尔平西伯吳三桂洞識天時當膺王統
共西征之時尔即擒流賊說士遣官歸命軍前迨
王師式臨爰以開闕迎入又隨睿王破賊兵數十

萬底定中原大功懋著宜膺延世之賞永聖帶砺
之盟順治元年十月十三日授以冊印封為平西
王後顧其在陝西階州地方殺偽秦王朱生福偽
定遠侯趙崇貴併賊七千餘獲偽定遠侯印一顆
偽總兵印十顆遣官兵至碧泉口殺賊共三百餘
名擒斬偽總兵王應選富平縣延安府葭州縣美
園等處地方殺偽經畧王永強高友才偽總兵官
付將叅將遊擊郭玉麒等官五百四十名併賊二
萬六百有餘獲偽定國將軍印一顆偽官印十一
顆攻克山陝二省五十八城遣官兵在同官縣臨

縣等處地方殺偽經畧平回偽總兵官付將叅將
遊擊等官二十六名併賊兵五千五百有餘獲偽
印六顆延安府、各縣招降偽總兵官二名偽道
一名偽付將一名併兵六百名今特授金冊金印
仍封為平西王、其益勵忠勤屏藩王室欽哉無
數 勅諭平西王吳三桂曰四川逆賊盤聚斯民
陷于水火茲特命爾統領大兵入川征勦凡事與
墨勒根蝦計議而行投誠者宥之抗拒者誅之若
武官有功覈實題叙有臨陣退縮違悞兵机不遵
號令應處分者聽王便宜從事若罪大不便自處

者指名奏其應用本折糧餉會陝西四川總督
巡撫料理支給地方既定之後凡兵机事務悉听
王調度其一應民事錢糧仍歸地方文官照旧管
理文武各官有事見王俱照王礼謁見王受茲重
任其並彈忠猷礼以律已率廉以率下務輯寧疆
圍以寬朝廷西顧之憂欵哉 浙閩總督陳錦疏
言賊渠阮進張名振等擁偽魯王盤踞舟山臣會
同固山額真金砺劉之源提督田雄等統兵進剿
由定關出海遇賊艘于橫洋奮擊敗之生擒偽蕩
湖侯阮進遂至舟山搥陷其城我兵奮勇齊登賊
勢乃屈日縱火自焚偽官及家口俱為灰燼張名
振聞城破遂擁偽魯王遁去搜聞下所司察叙
草江南徽寧道叅政袁仲魁戕以巡按上官劾劾
其貪縱不戢故也

癸未

革浙江紹白道付使耿應銜金銜戾道叅議王鏞
職以巡按杜果劾其貪縱也

甲申

諭戶部曰盛京癸酉年定例凡係本家奴僕開戶
另造者許其編入其係各戶長同造一戶者許其

編出今有以盛京戶口冊內另戶之人稱原係伊家奴僕其告者不准其冊內本同戶乃告稱非伊家奴僕亦不准自入北京以來因牛柔章京公得撥什庫披甲人先後參錯出征其王不知而小搭什庫以為戶口各異可以開支糧米以致違法將一家兩披甲公記者有之以家下奴僕公記者亦有之今當編審之年各該牛柔章京公得撥什庫小搭什庫及戶長會議果係兄弟所其別編果係本家奴僕各歸戶長造送此編審時以家下奴僕已經關戶造送者後雖告稱原係伊家奴僕不准

仍聽另戶如將未成丁之子公戶造送者論罪其無嗣寡婦守節不嫁不願同承產之人編入者將承產人姓名立戶後開或孀母或嫂或弟婦或侄婦滿洲奴僕若干僕奴僕若干另為一款造送部內此類或再醮或身故按冊上姓名准其承管科爾沁國卓禮克圖親王及福金察哈尔國等公主歸國命和碩親王以下尚書以上及親王郡王福金等設宴餞送于國門外以甲喇章京管劾忠為都督僉事充鎮守天津總兵官

罷戶部尚書雅賴工部尚書兼梅勒章京譚布戶
部侍郎索爾果佟代刑部侍郎碩爾對工部侍郎
伊爾格德都察院承政覺善賤以三等阿思哈
哈番布福在部勤勞且有軍功加為一等阿思哈
哈番以碩塞吳巴什出使効力授拖沙喇哈番
以固山額真卓羅為吏部尚書固山額真藍拜
為工部尚書固山額真鄂羅塞臣為都察院承政
陞都察院參政車克為戶部尚書納都戶為都察院
參政調吏部侍郎羅碩為工部侍郎圖賴為吏部
侍郎布克沙祝古胤俱為戶部侍郎趙布太為刑

部侍郎賽古里為吏部啟心郎調吏部啟心郎馬
布納為戶部啟心郎固山大宜爾格德為工部理
事官陞鑲紅旗烏真超哈固山梅勒章京趙國
祚為本旗固山額真鑲紅旗滿洲固山英固德鑲
藍旗滿洲固山巴海俱為擺牙喇甲喇章京正藍
旗滿洲固山班布里烏真超哈固山李武俱為甲
喇章京封阿霸垓部落都思噶爾為郎以其自
喀爾喀率所屬部落投誠故也以故三等精奇
尼哈番宜爾登子伊納穆拜他喇布勒哈番達蘭
泰子格英襲職命固山額真噶達率官兵往征

鄂尔多斯部落多尔济 復拜他喇布勒哈番多
尔札他布囊拜都喇三寺阿達哈：番白喜拜他
喇布勒哈番我 後嗣彥為拜他喇布勒番哈念
其父蜚英凍扎尔虎齊功也

丁亥

除永平府黃土大毛義院石門四關荒地屯糧

戊子

輔國公席布錫倫卒謚悼慈

己丑

封多羅簡郡王濟度為和碩鄭親王世子 解宣

大總督佟養量任以科臣袁懋功糾其不通文義
故也 諭喀尔喀部落謝畜汗車臣伊斯丹津喇
嘛大小貝勒等曰尔等歲貢牲畜七十二頭口已
經收納至巴林人畜固不能賠償止以馬百匹駝
十頭贖罪是尔等無歸附之意故尔如此今若還
我巴林人口還為首諸貝勒入覲其牲畜自當寬
免如遵朕命則為首四固山歲貢自當收納其諸
小貝勒自當貢獻俱行停止倘不歸我巴林人口
不遣諸貝勒入覲則尔等使臣可勿遣歲貢可勿
獻茲將尔等贖罪馬百匹駝十頭發還

庚寅

刑科左給事中魏象樞言啓沃

聖德全賴輔臣我

皇上萬幾之暇偶有燕幸如前後左右無才德碩望
之老臣萬一勞逸不節出入不時誰為奏請者請
於臨御之際即召滿漢輔臣二人講說治道以弼
我

聖德仍擇滿漢詞臣文學雅重者教人以備顧問起
居更宜節省遊幸以慎保

聖躬報聞

壬辰

改承天門為天安門

癸巳

上出都行獵是日駐蹕藍坊 定世子下官局甲喇
章京品級法衣丹大一員頭等蝦六員牛录章京
品級法衣丹哈番一員二等蝦五員拖沙喇哈番
品級法衣丹哈番二員三等蝦六員壯大品級法
衣丹哈二員

甲午

上駐蹕下濠水 陞兵科右給事中李化麟為禮科

左給事中禮科給事中李人龍為兵科右給事中
乙未

上駐蹕棗里庄是日東安遊擊徐子能知縣塗應驥
詣行在朝見賜食各賞蟒衣一襲

丙申

上駐蹕楊村是日河西務遊擊李澤芳鈿關公司傅
昌期等詣行在朝見賜食各賞蟒衣一襲

丁酉

上駐蹕小營兒定迎神禮儀凡宗室以上迎請神
者奉神入黃輿令八人肩舁前引御杖二對避道

黃輿御杖及黃衣帶帽俱留貯祀神之家其人役
令迎神家預備至迎神時親王以下民以上乘輿
馬者途遇俱下俟過有列執事者執事人役俱迴
避

戊戌

上駐蹕牛家屯是日天津道徐永禎通州道李麟翔
通州付將張維一督餉主事蘓霖等詣行在朝見
賜食各賞袍帽等物有差隨征左都督總兵官

馬蛟麟卒

己亥

上駐蹕董郭庄是日總督倉場戶部侍郎任潛巡倉御史焦毓瑞等詣行在朝見賜食各賞袍帽等物有差

庚子

上駐蹕灑上是日三河縣知縣孟希舜詣行在朝見賜食賞袍衣一襲戶部左侍郎王永吉條奏三事一查各衛所屯地久上中下三等撥上田予運丁以濟運費一各項折色銀兩仍令官徵官解其本色物料動支折價採買如舊額不足酌加數倍以甦民累一洲田丈量重為民害請將芦課併入

各州縣考成酌定五年一次丈量則蘆政可以不設敕所司速議續順公沈永忠疏報右路總兵郝劾忠勤黎平逆賊失利而死陞昌平付將潘立勲為署都督僉事管浙江付將事江南提標叅將吳登科為陝西花馬池付將浙江提標叅將于奮起為陝西興安付將嘉興署付將馮源淮為陝西寧夏平羅營付將

辛丑

上還宮

孝慈武皇后忌辰遣官祭

福陵

癸卯

喀爾喀部落土謝番汗車臣汗塞臣汗下白喜泰
和貢馬宴賚如例 以布塞格効力供賤授拖沙

喇哈番

甲辰

戶部請每年給平西定南靖南平南四王軍前操
賞銀各四千兩續順公軍前三千兩從之

卷之六十終

大清世祖體天隆運英睿欽文大德弘功至仁純孝

章皇帝寔錄卷之六十一

順治八年冬十月乙巳朔享

太廟 頒時憲曆

丙午

以都察院右都御史房可壯管左付都御史事陞
通政使司左通政傅景星為通政使太常寺卿管
大理寺少卿事張若麒為太僕寺卿

丁未

秘書院檢討徐必遠奏古今帝王必留心聖學乃

能興起太平臣自八月入署見所翻通鑑漸次將成雖治亂之跡可稽而聖學精微未能純備唯采臣真德秀大學衍義於天命人情身心家國咸撮要願伏乞勅諭儒臣譯呈

睿覽必能廣格心之益而觀道化之成報聞

己酉

命和碩承澤親王碩塞多羅謙即王尼克達為蒙古王

辛亥

免宣府局衛所電災本年額賦

壬子

予江西刑難按察司僉事孟學遷祭瘞如例

丙辰

江南巡按秦世禎劾江寧撫臣土國寶殉庇貪污諸不法事命革職嚴訊

丁巳

陞刑部啓心郎額色黑為內國史院大學士調工部啓心郎吳達禮為刑部啓心郎以侍讀學士石嵩為工部啓心郎以吳爾加齊為大理寺左理事官薩爾堂為吏部理事官覺羅額爾德為戶部

理事官吳庫札為兵部理事官穆成格為刑部理事官覺羅富喀為中城理事官補原任吏部啟心郎何世泰原官以鑲紅旗烏真超哈固山祝世胤為本旗梅勒章京正紅旗滿洲固山希福鑲白旗滿洲固山察漢甲喇章京柯岳爾看俱為擺牙喇甲喇章京鎮國公郭賴卒

庚申

監守吳王阿濟格章京毛海等赴刑部報云我等四人於三十日早入監巡視王云聞將我一子給吳王一子給承澤親王為奴諸婦人悉配夫吾女

不以歸舊婿而別嫁他人吾將折毀廂房積衣舉火吾等出至午飯果聞有折毀房瓦声部臣以阿濟格先有燒房之語又曾拋擲食桌焚燬監門且屢犯大罪荷

上寬宥復不自懲輒出妄語奏請治罪下諸王議政大臣議阿濟格屢罪當死俱荷恩宥今復出妄語焚燬監房監門不可再留奏入得旨屢犯重罪朕不忍置于死悉行寬宥今復如此則無存宥之道即令再留亦不安今從衆議用刑非美事何忍加誅可令其自盡

辛酉

諭厄魯得巴高魯台吉曰爾部落原與本朝和好及喀爾喀薩克圖汗俄木布厄爾德尼敗好獲罪逃入爾地爾等遂擅自收留朕異日與師問罪何久喀爾喀厄魯得我共一臨彼此必稱大黨爾或將扎薩克噶汗擊破奏來或將扎薩克圖汗逐回原地倘代人肆惡殊非所宜命固山額真墨勒根蝦額官兵同平西王吳三桂往往四川逐賊賜之勅曰四川逐賊盤聚斯民陷於水火茲特命爾統領烏真超哈及漢兵入川征剿凡事協輔西

而行投誠者旣之抗拒者誅之若武官有功商賈題叙有臨陣退縮遲候兵機不遵號令者悉助王便宜處分其應用本折糧餉會陝西四川總督巡撫料理支給地方平定之後凡兵機事務悉助王調度其一應民事錢糧仍歸地方文官照舊管理毋得干預爾等各以勲績特為簡任領協恭奮勇共矢忠貞不得各執己見有妨大計若開拓封域永奠吾民殫厥心力自有懋賞如或貪黷乖張衆兵玩愒國法無私爾其勉之陞戶部左侍郎馬光輝為兵部尚書都察院右付都御史總督直隸

山東河南提督紫荆寺閣兼理天津海防軍務

壬戌

輔刑部右侍郎孟明輔為本部左侍郎陞大理寺
卿張鼎延為刑部右侍郎 初宣大總督佟養量
以不諳文義為科臣袁懋功所劾解任至是養量
具疏申辨命留任 遣浙江道監察御史朱紱巡視
漕運 建京北普靜禪林成

癸亥

允戶部請各由炉局一座於省直餘悉裁去

甲子

禮部會同內院議奏元旦冬至平西等四王續順
公各節進

皇上表一通

皇太后表一通

皇后箋一通各省布政司及參政參議道等官共
進表二通箋一通按察司及付使僉事道等官共
進表二通箋一通監運司苑馬寺等各進表二通
箋一通各府州直隸州各進表二通箋二通衍聖
公其人府各進表二通箋一通總督及付將參遊
等官共進表二通箋一通都司行都司各衛各進

表二通箋一通

萬壽聖節俱始此例進表其總督巡撫係京官奉差
不進表箋凡遇慶賀大典其本進賀又查會典旧
例

聖節衍聖公及宣府大同延綏寧夏雲南各總兵官
各進馬二匹今每年除雲南外見俱進馬相應免
進奏入從之先是禮部言十一月初十日冬至
應大祀

園丘次日諸王進獻

皇上

皇太后

皇后礼物諸王行慶賀礼今

皇上行宰相應請旨得旨

天壇遣官代祀三大節親王世子郡王平西等四王
例進東珠貂皮鞍馬等礼物過多着与内三院再
議其奏至是礼部会同内院酌減貂皮馬匹議上
命貂皮馬匹等礼物俱免進

乙丑 封

肇祖原皇帝

興祖直皇帝陵山曰啓運山

景祖翼皇帝

顯祖宣皇帝陵山曰積慶山

福陵山曰天柱山

昭陵山曰隆業山遣多羅貝勒屯齊固山貝子吳達海等祭告是日祭時日初出啟運山有黃赤青色雲見從

山陵直冲霄漢 調陝西按察使司按察使王顯祚

為福建按察使陞山東付使天津道徐永禎為山西布政使司叅政督糧道陝西、安府知府孟維昌為浙江按察司付使驛傳道河南開封府知府

丁時昇為陝西按察司付使關內道湖廣德安府

知府李慎修為陝西按察司付使莊浪道河南、

陽府知府張猷授為江南按察司付使蕪松道山

東叅議青州道孫登第為江南按察司付使徽寧

道山東僉事懷來道馬登科為山東布政使司叅

議東兗道山西僉事河東道王無党為山東布政

使司叅議濟南道山西僉事驛傳道祝思信為湖

廣布政使司叅議湖南道工部主事高鵬南為福

建按察司僉事福寧道吳之紀為湖廣按察司僉

事荆西道直隸州知州王登聯為山東按察司僉

事濟南道山西保德州知州安世鼎為江西按察
司余事南昌道

壬申

臨鞏總兵官王胤久卒

癸酉

原任河南光山縣知縣謝柟奏曰生財者輒曰加
賦稅增而民生愈艱國計未裕今日擊合行之政
有三一故明設立衛所官軍即有屯地每畝止納
將粒三斗今舊軍一概不用屯地應始民田起科
一近湖海地方潮沙積成灘漲似應丈量亦應始

民田科稅一旧例配軍遺田止令民間課種今竟
私相授受似當立法清追疏入

上以各項錢糧聚從經制近來章奏說清屯清課者
紛：是何緣故該督撫按久任地方若果有隱占
等弊何不奏報如借端利己害民妄為條陳情寔
可惡着督撫按刻期嚴察虛實來說

十一月乙亥朔

皇第一子牛鈕生 湖廣巡按李敬疏劾上荆南
道王燧貪婪乖方命草賊下督撫按鞫之

丙子

湖廣荊州提兵官鄒四維奏報偽侯于大海向樞
臣夔拒命今率部衆於彝陵就抚下所司知之
己卯

宴厄魯得部若首使衛政叢素等三百二十人及
外藩蒙古二十七固山聽事頭目從人于禮部

辛巳

多羅貝勒哈爾楚渾薨謚顯榮

甲申 冬至祀

天於

圜丘遣禮部尚書阿哈尼堪行礼遣官祭

福陵

昭陵

己酉

固山貝子強度薨謚介潔

丙戌

平南王尚可喜奏報官兵恢復雷州府報聞

己丑

陞浙閩督標付將張國勳為署都督余事浙江嘉
興府副將補原任宣府團練營叅將王家賓為宣
府右衛路叅將

乙未

免山西平陽潞安三府澤遼沁三州所屬州縣七
年久雹災地畝額賦

戊戌

以柯鼎為戶部啟心郎 陞正黃旗滿洲固山叅
章京宜爾德為本旗固山額真鑲白旗滿洲固山
額克西納鑲紅旗烏真超哈固山牛录章京土貴
俱為甲喇章京 補前正藍旗烏真超哈固山額
真佟圖賴為原官 予殉難湖廣柳桂兵備道俞
事李懋祖山西潞安府推官司九節祭瘞如例

復噶布喇拜他喇布勒哈番又一拖沙喇哈番穆
濟倫拜他喇布勒哈番合恩詔所得職俱為二等
阿達哈：番審古里拜他喇布勒哈番又一拖沙
喇哈番合恩詔所得職為三等阿達哈：番

己亥

提督順天學政監察御史朱鼎延疏舉烈婦涿州
民朱繼志妻劉氏年十九夫溺水死即投井死房
山縣生員王明生妻張氏年十九夫亡慟哭六日
死節婦贊皇縣民傅啟之妻郝氏威縣民尹榮妻
郭氏清河縣民王景魁妻李氏冀州生員羅士髦

妻康氏孝強縣和玉節妻張氏玉田縣生員王純
德妻姚氏大寧都司學生員劉遠妻劉氏邵氏蓋
山縣民高承賜妻趙氏番州生員尹天民妻王氏
俱年少守節抚孤成立孝子南樂縣生員馬登龍
年十五父病親侍湯藥衣不解帶者三閱月繼母
孔氏有殘疾父欲棄之登龍泣番孝養後屢遇疾
負母而逃克免于難及父歿哀毀骨立喪葬盡禮
俱於例宜旌章下所司

庚子

免山西陽曲五臺浮山榆社七年蝗災額賦

壬寅

免直隸寧晉縣荒地額賦

十二月丙辰朔

丙午

除江南潛山太湖桐城宿松等縣荒田九千一百
八十四頃七年額賦

丁未

贈殉難山西臨晉縣丞吳希賢為金吾左衛經歷
復縣丞汪光祖為旗手衛經歷山東沂水縣
典史楊懋文為本省復津縣主簿各賜祭一壇

予陝西殉難榆林西路兵備道叅政夏時芳榆林
東路兵備道付使夏廷印河西道付使王希舜延
安府知府宋從心戶部郎中朱子昇鄜州知州李
芳徵神木縣知縣黃瑤宜君縣知縣賈士璋宜川
縣知縣尤一德神木縣典史章德英祭葬如例

辛亥

寧夏巡撫都察院右副都御史李鑑卒 以定南

王下阿思哈、番全節為都督同知充隨征右翼
總兵官

壬子

以馬鳴珮為戶部侍郎碩代為內國史院侍讀學
士 陞鑲黃旗烏真超哈固山甲喇章京范達礼
正黃旗滿洲固山擺牙喇甲喇章京宜尔都齊正
白旗滿洲固山擺牙喇甲喇章京穆福正紅旗烏
真超哈固山甲喇章京吳國禎俱為本旗梅勒章
京鑲黃旗烏真超哈固山趙宗科正紅旗烏真超
哈固山夏廷璞為甲喇章京 夜東北方有白氣
從艮至乾良久方散

癸丑

授劄委都督同知楊遇明仍以原銜充湖南右路

總兵官

丙辰

輔國公朵固圍卒謚懷思

丁巳

江寧巡撫土國寶聞草賊戾訊之旨自縊

己未

諭內三院曰近日痘疹甚多朕避處淨地凡滿漢官兵有冤枉奏告的內而赴各該衙門外而赴各該地方官告理此時奏告之人稟行禁止如有違旨奏告者不問事之是非徑行處斬如有新屈迫

情訴告者當赴都察院通政司衙門申告兩衙門不准不審待通此時再來奏告爾衙門傳與刑部刊刻告示曉諭滿漢通知

辛酉

裁山西威遠衛千總二員百總五員經歷一員大同前後衛千總二員百總三員平魯衛千總二員經歷一員朔州衛經歷一員安遠衛右所千總一員百總二員經歷一員改廣湖鎮軍參將為付將一兵一千六百名分為左右二營各設都司一員中軍守備一員千總二員把總四員

丁卯

改吏部侍郎同國佐為兵部右侍郎兼都察院右
付都御史巡抚江寧等處提督軍務 准廣西巡
抚王一品解任養疾

戊辰

順天府進春 增設江南吳縣長洲嘉定崑山常
熟吳江華亭上海青浦武進宜興無錫江陰浙江
嘉興秀水海鹽崇德嘉善樹鄉平湖歸安烏程德
清常興管糧主簿各一員 贈山西殉難長子縣
知縣李允昇屯留縣知縣陳懋忠為本省按察司

僉事應一子入監讀書潼澤驛之丞吳崇信為何
南濟源縣主簿 准江南高淳縣歲輸漕糧一萬
六千八百五十石改徵折色永為例 內院大學
士希福等奏恭惟我

太祖武皇帝開創豐功

太宗文皇帝嗣位纂成寔錄功德昭如日月用垂後
世

太宗文皇帝德業弘遠益擴丕基必備載史冊永為

法則始明我

皇上孝思且

皇上躬親大政以來事：恪遵

太宗心法纂修大典尤不可緩謹請

皇上勅行期于速竣則

太宗功德彰于永久而

皇上承先之制弥光矣伏乞特頒勅諭臣等衙門纂

修應用官員人役臣等另疏具奏其公費錢糧乞

勅下該部察例奏請報可 兵部覆定南王孔有

德疏沅州兵單可虞應于現兵三千外添續順公

標下右路總兵官楊遇明所統兵二千名奏為五

營并兩營將官調赴鎮守其右路總兵標下餘兵

三千名改設付將統領即以先推沅州付將楊國

勳管轄至各營應用將領行續順公等確議報部

從之 又覆浙閩總督陳錦疏舟山設水師左營

錢塘水師左營及提標定鎮標兵調補總統付將

一員每營遊擊一員守備一員千總二員把總四

員中軍遊擊即兼管付將標下中軍事其錢塘水

師左營已由舟山所有右營改為錢塘水營報可

辛未 歲暮享

太廟遣固山貝子吳達海行礼遣官祭

福陵

昭陵

四祖陵 祭太歲月將之神 是歲入丁戶口一千
六十三萬三千三百二十六地山蕩二百九十万
八千五百八十四頃六十一畝畦地一萬二千九
百八十個徵銀二千一百一十萬一百四十一兩
有奇麥荳五百七十三萬九千四百二十四石四
斗有奇草四百七十四萬三千一百一十束中茶三
萬五千四百五十三籠行鹽三百四十七萬八千
五百二十八引徵課銀一百九十六萬五千一百
五十九兩九錢有奇鑄制錢二十四萬三千五十
萬九千五十有奇銅錢二千八百萬三千三百七
十有奇鈔一十二萬八千一百九十三貫四百七
十有奇

